

采芳隨筆卷十一

北平查 彬伯埜輯

鳳仙花閨品也一名海薊一名旱珍珠一名小桃紅一名
染指甲草一名海囊一名金鳳亦號夾竹桃色紅紫黃
白碧及雜色善變易有洒金色名倒影花其子名急性
子宋光宗宮中呼為好女兒花張宛邱呼為菊婢韋君
呼為羽客三柳軒雜識以為媚客平園詩注以金鳳對
木犀李玉英採花染指甲調絃或比之落花流水花經
金鳳十品三命唐吳連城仁璧詩云香紅嫩綠正開時
冷蝶饑蜂雨不知此際最宜何處看朝陽初上碧梧枝

宋晏元獻詩云九十顏色春霞萃丹穴威儀秀氣殫題
品直須名最上昂昂驤首倚朱欄歐陽文忠詩云憶繞
朱欄手自栽綠叢高下幾番開中庭雨過無人迹狼籍
深紅點綠苔劉華封圻父詩云天霜彫九陵梧桐日枯
槁鳳德何其哀驚飛下幽草九苞空髣髴衆彩各自好
黃中獨含章見晚更傾倒託根幔亭峰弱質深自保便
翔金翅短淡泊乃幾道俗眼迷是非人間迹如埽張功
甫詩云彩鳳連翩小作羣蕭條門巷獨留春莫因繁冶
生輕鄙歲歲花開見主人楊誠齋詩云細看金鳳小花
叢費盡司花染作工雪色白邊袍色紫更饒深淺四般

紅徐溪月致中詩云鮮鮮金鳳花得時亦自媚物生無
貴賤罕見乃為貴僧北澗詩云小似釵頭縷粟金不將
紅淺笑紅深虛名冗利間花草寂寞朝陽采羽瘖又句
云飛花只合秦樓去莫與金釵壓翠蟬明瞿宗吉詩云
高臺不見鳳凰飛招得仙魂慰所思秋露庭除蛩泣處
晚風籬落燕歸時金盆夜擣聲相應銀甲春生色更宜
好倩良工揮彩筆寫成竹葉夾桃枝又染拍甲云金盤
和露搗仙葩解使纖纖玉有瑕一點愁疑鸚鵡啄十分
春上牡丹芽嬌彈粉淚拋紅豆戲掐花枝縷絳霞女伴
相逢頻借問幾回錯認守宮砂徐存齋階詩云金鳳花

開血色鮮佳人染得拍頭丹彈箏亂落桃花片把盞輕
浮玳瑁斑拂鏡火星流夜月畫眉紅雨過春山有時斜
把香腮托疑是胭脂點玉顏王氏美君詩云鳳鳥久不
至花枝空復名何如學葵蕊開即向陽傾近時家初白
詩云群羣紅白隔窗紗么鳳飛來眉鬢鴉老眼自看還
自笑種花猶種女兒花明夏茂卿樹芳女冠子詞云秋
花姝麗疑是虞廷集毳爛霞開不向丹山植還從蕊闕
來飛來金屈戌添上玉搔頭暗撥求凰操韻聲幽近時
葉硯孫尋源醉蓬萊詞云步桐陰苔砌鳳子舒英癡痕
狼籍玉盒盛來向銀盆碎磔漫擣元霜似敲素練釀出

胭脂液點點輕濡纖纖頻染珊瑚暈赤日午琵琶夜深
弦索流水聲中小紅飛積莫笑妝濃勝綠眉黃額膩粉
偷勻香腮斜托花片魚鱗積臂上守宮袖邊紺唾一般
憐惜初白瑞鶴仙詞云參差開也得看娘娘娉娉垂垂
滴滴多般鬪顏色任張家呼婢韋家稱客小庭南北細
飛來丹禽一一向天涯似慰羈愁與媚烟朝露夕幽絕
苔茵稠疊落瓣無多寸心易結好風披拂草蟲簌簌飛
出愛佳名合作女兒憐取旁人未許偷摘微嫌他指染
紅尖和花擣葉先叔祖榕巢公秋蕊香詞云揉皺春機
紅縠數朶如球相簇南朝舊事無新曲好女兒歌誰續

采芳閣集
肖聽細杵鳥深竹輕羅束曉來
系甲丹砂熟點破纖纖

菱玉

金錢花俗品也本出外國名毘尸沙秋開黃色朶如錢柔
枝嫵媚可愛午開子落又名子午花一名日中金錢俗
名剪金花一名夜落金錢羣芳譜稱為金榜及第花鄭
榮呼為潤筆花又有一種銀錢七月開花經金錢花七
品三命唐盧肇詩云輪郭休誇四字書紅窠寫出對庭
除時時買得佳八笑本色金錢却不如來萬里鵬詩云
也無輪郭也無神露洗還同鑄出新青帝若教花裏用
牡丹應是得錢人皮襲美詩云陰陽為炭池為爐鑄出
金錢不用模謾向人前逞顏色不知還解濟貧無吳連
城詩云淺絳濃香幾蕊勻日鎔金鑄萬家新堪疑劉寵

遺芳在不許山陰父老貧羅江東詩云占得佳名繞樹
芳依依相伴向秋光若教此物堪收貯應被豪家盡劖
將宋石雲溪忒詩云名貴已居三品上價高仍在五銖
先春來買斷深紅色燒得人心似火然劉貢父放詩云
披沙百鍊貴濟世五銖圓侔色都疑似頒形適自然蕭
蕭秋意蚤采采露華鮮貧謝侏儒甚煩君慰眼前陳息
齋蕭詩云裊露牽風夾瘦莎一星星火徧窠窠閒門永
巷新秋裏幸不傷廉莫怕多古蘚寒蕪讓品流小齋多
謝伴清幽若教夷甫門前種也是無多過一秋章藝齋
學藩詩云巧冶多由造化爐風磨雨洗好形模花神果

有神通力買斷春光用得無百氏集句云能買三秋景
難供九府輸又云厚重圓珠秦半兩輕飄薄似漢三分
明王鳳洲金錢花題冊云日落千緡散漫垂華清初浴
太真兒請看師相城西邸應是河陽潞縣時近時沈美
初鍾彥詩云鄧氏銅山虛設想沈郎榆莢許為鄰清宵
風露頻頻擲似向空庭卜遠人田樂園詩云阿堵含靈
競物華為他寫照句無差夢中可有紅裳女來送詩人
潤筆花

平
方
隨
筆

卷
十

五

滴滴金纖品也爾雅獲盜庚

注云旋覆似菊本草云庚金也謂其夏開黃花盜竊金氣

一名旋覆花

花圓而覆下

一名夏菊一名艾菊一名戴椹一

名疊羅全一名金錢菊

亦名金錢花

一名滴露花莖青而香

葉青而長尖而無極高二三尺花金黃千瓣最細凡二

三層心深黃中有一點微綠巧小如錢亦有大如折二

錢者自六月開至八月花梢頭露滴入土即生新根故

名宋陶商翁詩云九秋瑞露滴成芽不是榆花即桂花

星女月娥宮不鎖天風吹落野人家謝幼槃詩云滿庭

黃色抑何深一滴梅霖一滴金莫使貧夫來見此聞名

亦起覬覦心百花新詠詩云秋水蔓草莫相侵露滴花

芳閣集
卷之
梢滿地金若入仙人丹竈裏還如松柏歲寒心

橘花雋品也一名霜朱一名盧橘一名木奴四月生小白
花清香可人結實如柚而小有蜜橘黃橘綠橘朱橘塌
橘包橘綿橘凍橘沙橘早黃橘穿心橘荔支橘乳橘油
橘自然橘仙人橘玉色橘洞庭羅浮箕山江陵等種蜀
人謂之讓木韋應物以為滿林霜春秋運斗樞云璇樞
星散為橘其蠹蛻為蝶為蠹化三柳軒雜識以橘花為
雋客皮可入藥宋誠齋詩云花靜何須艷林深不隔香
初聞何處覓小摘莫令長春落秋仍發梅兼雪未強縹
姿汲寒砌淺浸一枝涼不夜非關月無風也自香著花
能許細落子不多長玉糝開猶半金鬚撚更强解愁何

必醉遇暑却生涼劉後村詩云一種靈根有異芬初開
尤勝結丹黃白於蒼蒿林中見清似梅檀國裏聞淡月
珠胎明璀璨微風玉屑撼繽紛平生荀令薰衣癖露坐
花間至夜分明陳眉公詩云睡起難禁酒力加醉時隨
卧白鷗沙草堂位置新籬落蕉葉西邊橘試花隋李元
標孝貞詠橘樹云嘉樹出巫陰分根徙上林白華如散
雪朱實似懸金布影臨丹地飛香度玉岑自有凌冬質
能守歲寒心李巨川詠橘云萬里盤根植千株布葉繁
既榮潘子賦方重陸生言玉蘂含霜動金衣逐吹翻願
辭湘水曲長茂上林園孟襄陽浩然庭橘云明發覽群

物萬木何陰森凝霜漸漸水庭橘似懸金女伴爭攀摘
摘窺礙葉深並生憐共蒂相示感同心骨刺紅羅被香
黏翠羽簪擎來玉盤裏全勝在幽林李公垂紳橘園云
江城霧歛輕霜早園橘千株欲變金朱實摘時天路近
素英飄處海雲深懼同枳棘愁遷徙每抱馨香委照臨
憐爾結根宜自保不隨寒暑換貞心白樂天揀貢橘書
情云洞庭貢橘揀宜精大守勤王請自行珠顆形容隨
日長瓊漿氣味得霜成登山敢惜駑駘力望闕難伸螻
蟻情踈賤無由親跪獻願憑朱實表丹誠周文卿元範
和揀貢橘云離離朱實綠叢中似火燒山處處紅影下

寒林沈綠水光搖高樹照晴空銀章自竭人臣力玉液
誰知造化工看取明朝船發後餘香猶尚逐仁風皮襲
美早春以橘子寄魯望云箇箇和枝葉捧鮮彩疑猶帶
洞庭煙不為韓嫣金九重直是周王玉果圓剖似日魂
初破後弄如星髓未銷前知君多病仍中聖盡送寒苞
向枕邊陸魯望次韻酬謝云到春猶作九秋鮮應自親
封白帝煙良玉有漿須讓味明珠無類亦羞圓堪居漢
苑霜梨上合在仙家火棗前珍重更過三十子不堪分
付野人邊宋曾子固橘云剖見隋珠醉眼開丹砂緣手
落塵埃誰能有力如黃犢盡摘繁星始下來李忠定綱